

小池

宋·杨万里  
泉眼无声惜细流，  
树荫照水爱晴柔。  
小荷才露尖尖角，  
早有蜻蜓立上头。

古朗月行

唐·李白  
小时不识月，呼作白玉盘。  
又疑瑶台镜，飞在青云端。

夜宿山寺

唐·李白  
危楼高百尺，  
手可摘星辰。  
不敢高声语，  
恐惊天上人。

春夜喜雨

唐·杜甫  
好雨知时节，  
当春乃发生。  
随风潜入夜，  
润物细无声。

江畔独步寻花

唐·杜甫  
黄四娘家花满蹊，  
千朵万朵压枝低。  
留连戏蝶时时舞，  
自在娇莺恰恰啼。

登高

唐·杜甫  
风急天高猿啸哀，  
渚清沙白鸟飞回。  
无边落木萧萧下，  
不尽长江滚滚来。

鸟鸣涧

唐 · 王维

人闲桂花落，  
夜静春山空。  
月出惊山鸟，  
时鸣春涧中。

赠汪伦

唐 · 李白

李白乘舟将欲行，  
忽闻岸上踏歌声。  
桃花潭水深千尺，  
不及汪伦送我情。

蜂

唐 · 罗隐

不论平地与山尖，  
无限风光尽被占。  
采得百花成蜜后，  
为谁辛苦为谁甜？

使至塞上（节选）

唐 · 王维

征蓬出汉塞，  
归雁入胡天。  
大漠孤烟直，  
长河落日圆。

夏日绝句

宋 · 李清照

生当作人杰，  
死亦为鬼雄。  
至今思项羽，  
不肯过江东。

山 村

【宋】邵 雍

一去二三里，  
烟村四五家。  
亭台六七座，  
八九十枝花。

清明

唐 · 杜牧

清明时节雨纷纷，  
路上行人欲断魂。  
借问酒家何处有？  
牧童遥指杏花村

村居

清 · 高鼎

草长莺飞二月天，  
拂堤杨柳醉春烟。  
儿童散学归来早，  
忙趁东风放纸鸢。

所见

清 · 袁枚

牧童骑黄牛，  
歌声振林樾。  
意欲捕鸣蝉，  
忽然闭口立。

杂诗三首 · 其二

〔唐〕王维

君自故乡来，  
应知故乡事。  
来日绮窗前，  
寒梅著花未。

登鹳雀楼

〔唐〕王之涣

白日依山尽，  
黄河入海流。  
欲穷千里目，  
更上一层楼

月下独酌

〔唐〕李白

花间一壶酒，  
独酌无相亲。  
举杯邀明月，  
对影成三人。